

Հինգերորդ մի 'ի երից բաժնոյ կնոջն և կամ
առն եթէ ունիցին զաւակ.

Վեցերորդ երկու 'ի երիս բաժնոյն որդոյ և
մին դստերն զի համարեսցի երկու որդին և մի
դուստրն.

Եօթներորդ եթէ ոչ ունիցի զորդի և ոչ
դուստր զարձցի առ ծնողս ննջեցելոյն.

Ութներորդ եթէ ոչ ունիցի ծնող զարձցի
առ եղբայրս և քեռն իւր.

Իններորդ եթէ ոչ ունիցի դարձցի առ 'ի
սերունդսն եղբարց:

Գ Լ Ո Ւ Խ Ճ Լ Ա .

Ամենայն երիտասարդ որ խօսի ընդ կուսի
առ 'ի ամուսնութիւն պարտէ ընդունելութիւն
երկուց կողմէ ծնողաց, եթէ ոչ ունի ծնողս 'ի
որ ոք մերձաւոր ընտանեաց, և թուղթ հրա-
մանի իշխանի տեղոյն որում բնակին ամուսնա-
ցողքն, յայնժամ քահանայէն Օրհնեսցէ առ 'ի
ամուսնութիւն:

Գ Լ Ո Ւ Խ Ճ Լ Բ .

Ամենայն այր և կին ամուսնացեալք վախ-
ճանելով մինն եթէ գտցի 'ի մէջ սոցա թուղթ
դաշնադրութեան հարսանեաց ստացուածք ննջե-
ցելոյն կատարումն առցէ ըստ դաշնադրութեան
նոցա, եթէ ոչ ըստ Օրինօք: